

آبونه شرائطی : هریر ایچون
سنه لکی (۴۰۰) آلتی آیلنی
(۲۲۵) ممالک اجنیه ایچون
سنه لکی (۴۵۰) ، آلتی آیلنی
(۲۵۰) غروشدر .

نسخه سی ۷۰۵ غروشدر .
سنه لکی ۵۰ عدددر .

اداره خانه : باب عالی جاده سنده
رشید افندی خاتمه

اخطارات

آبونه بدلی پشیندر .

مسئله موافق آثار مع المنونیه
قبول اولنور . درج ایدله بن
یازیلر اعاده اولنماز .

والله یهدی من یشاءالی صراط مستقیم

تذکره

۱۳۳۰

صاحب و مدیر
اشرف ادیب

باش محرر
محمد کاکف

آدره من تبدیلنده آریجه
غروش کوندرملیدر .

مکتوبلرک امضاری واضح
واوقوناقلی اولسی و آبونه
صره نومروسنی محتوی
بولونسی لازمدر

ممالک اجنیه ایچون آبونه
اولانلرک آدرس لرینک
غراسزجه یازلسی رجا اولنور .

پاره کوندردلیکی زمان نهیه
دائر اولدیقی بیلدیرلسی
رجا اولنور

اتبعون اهدکم سبیل الرشاد

زهرنی دها جوق بوسکوریور؛ فکرلری، قلبلری، وجدانلری تسمیم ایدیور ومع التأسف بونک اوکنه کجه جک هیچ برتدیر اتخاذاولونمایور. بوزهرلردن، بو طفیلیاندن، بو خسته لقلردن قورتولوق ایچون جدی برتشیب وقوع بولمایور، بوتون فربادلریز بوشه کیدیور.

مسلمان قادینلری اضلال ایتک، مسلمان عاتله-نی سفاهت و سفالته سوق ایتک ایچون وقوع بولان تشبیلر، پروباغادر قارنلرمنک معلومیدر. بونلری متبادیاً ایضاح ایتدک. بوسفر یکی بر آفتک دها حیات اجتماعی مزه سرایت ایتدیر ملک ایسته نیلدیکنی کوریور. بویکی آفت، دانس وبالو ابتلا سیدر.

بالو، یعنی بر سورو ارککلرله بر سورو قادینلرک قوجاق قوجاقه رقص ایتک اوزره وقوع بولان طویلانه در. بوراده مزین و نیم چیلوق قادینلر انتخاب ایده جکلری ارککلرله صاریلاروق موسیقینک نغماتنه آیاقلری اویدر لرلر وسینه بسینه متبادیاً دوزلر، دوزلر... حیات اجتماعی مزه سرایت ایتدیر یلمسی ایسته نیلن یکی آفت ایسته بودر.

از جمله بر قاج کون مقدم «اونیون فرانسه ز» ده (پاپا دیتراتوس) طرفندن بر دانس یاریشی احضار ایدلش بر جوق رجال ونسوان بویاریشه اشتراک ایتشلردر. بویاریشه اجنبی، ارمی، روم، یهودی، حتی یونانلی کنج قادینلر وارککلر اشتراک ایتدکلری کبی بر قاج تورک کنجی، اوچ بش تورک و مسلمان اسمنی طاشیان قادین دم اشتراک ایتشلردر.

هرمته منسوب ارککلرله قادینلر اوکلدن بر قاج ساعت صوکره چیفت چیفت اوله رق رقصه باشلامشلر و ایچلرندن بر قاج دانسی یکریمی ابکی ساعت قدر طورمه دن، دیکلنمه دن متبادیاً رقص ایتشلر و مسابقه یی قازانمشلر

بر طساقم فرنگلرک، یونانلرک، یاخود روم، ارمی، یهودی جماعته منسوب ارکک ویا قادینلرک بویله یاریش یامه لزی بزی هیچ بر صورتله علاقه دار ایتمز. بزی علاقه دار ایدن جهت، بالخاصه مسلمان، اسمنی و تورک صفتنی طاشیان ارکک و قادینلرک بویاریشلرده بولونمه سیدر. بوبر قاج ارکک و قادینک کیملر اولدیغنی تحقیقه هیچ لزوم کورمه یز. کیم اولورسه اولسونلر. بونلر مادام که مسلمان و تورک اولاروق یاریشه اشتراک ایتشلردر، بو حادثه یی نظر دقه آلمق مجبوریتنده یز. بونلرک ایچنده «قر قاشلر» ده بولوندیغنی غزته لر یازدی. فقط بونلر الحاله هذه تورک و اسلام جامعه سنده مندیج بولونهرق مسلمان اسمی و تورک صفتنی طاشیدقلمری ایچون حقیقی تورککلرک و مسلمانلرک بو احوال دن متأثر اولماسی قابل ده کلدر.

بورقص یاریشه کیدنلرک بر قاج کیشی به منحصر قاله رق استانبولک اوز مسلمان خانلرینک اشتراک ایتمه ملری حقیقه شایان شکر اندر. مع مافیه اوچ بش کیشی، حتی بر کیشی ده اولسه بونک فلیج بر سوء مثال تشکیل ایده جکی شه سزدر. بو، یارین دها زیاده تحریک امیز بر شکل آیدر و بو کبی

یرلره مداوم اولانلرک عددیجی چوغالتمه یه یاردم ایده بیلیر. بو کونکی بر باشلانغیج در. هیچ شبه یوق، یکی بر چیغیر آچغه معطوف بر حرکتدر. بر چیغیر آچغه غایتله مساعددر. ایسته بوکا مقاومت و بو چیغیرک آچیلماسنه ممانعت لازمدر. (پاپا دیتراتوس) ک بودانس اجتماعلری بر کون کلیر، هیئت اجتماعی مزی مدعتن صورتده صارصه جق فلیج بر شکل ا کتساب اید بیلیر. بونک ایچون اولیای امورک بو حادثه یی در حال کمال اهمیتله نظر دقه آلاق بوی بالوره ورقص یاریشلرینه هیچ بر مسلمان و تورک نامنی طاشیان قادینک اشتراک ایده مبه جکنی صورت قلعیه ده تبلیغ ایتدی الک متحتم بر وظیفه ملیه در.

مدینت دنیاسنک هر طرفنده بو رقص ابتلاسی باش کوسترنجه بو ابتلا یله مجادله ایتک ایچون اجتماعی قوتلر طویلانش و بو ابتلانک قصر و تحدیدینه چالیشیلش و موفقیت ده حاصل اولمشدر. ضربده مقاومتله، حتی ضابطه نک ممانعتیله فارشسیلانان بو ابتلا بزم مملکت مزه هیچ کیرمه ملیدر، کیرمه مسی ایچون هر شی یاپیلیدر.

شایان دقت و أسف اولان نقساطدن بری ده افکار صومیه نک مرپسی، مرشدی صاییلان مطبوعات یومیه سر محرر لرندن بر قاج ذاتک بورقص یاریشک حکم لکنی قبول ایتمه لریدر. بوسر محرر لرک؛ جهان احواله، رقص ابتلاسنک فجاجته یاقیندن واقف اولان بو مرپلرک پاپا دیتراتوسک ترتیب ایتدیکی بویاریشه حکم لک ایتلمری دکل، بوتون قوتلریله بو آفته قارشی کله لری اقضا ایدردی. مع مافیه بز امید ایدرز که یکریمی ابکی ساعت رقص ایدنلرک مجنونانه حرکاتی، بویاریشک نه قدر فلیج بر شی اولدیغنی یاقیندن کورده بو سر محرر لر بعدما بو آفته مجادله ایده جک و ملت مزک بومصیبت اجتماعی به طوتولمسنی تجویز و تشویق ایتیه جکلردر.

غریب مطالب

ایلری غزته سنک باش مقاله سندن :

«تحصیلدن فنی و عصری اوله جقدر. آرتق فهک زمانی دکلدر. تورکلر دنیا ایشلری ایله آخرت ایشلری بر بزدن آیرمه مجبوردرلر. احکام اوقاف بو جمهوریت عصرنده حر و مدنی تورکلرک قانونی اولمالیدر. حقوق مدنیه من آرتق مجله لکدن چیقالیدر. حاصلی قانونلر منی بز ایجاب عصره و جمهوریته موافق بر صورتده تدوین الیه یز. بوکون محاکم شرعیه ناصل اولورده حر تورکلرک جمهوریتنده ایش کورمه بیلیر. بر جمهوریت بودجه سنده معارف مکتبلرندن ما عدا اوقاف مکتبلرینک بری اولایبیرمی؟ تحصیل و تربیه بر در. لایق در. معارف و کالتی حر تورکلر یتیشدیر رایکن اوقاف مکتبلری متمصب آدم لر یتیشدیر مکه قالتارایسه ناصل تحمل اولنور؟ هله اومدرسه لک آرتق مملکت مزه بری وارمیدر؟ ابتداییله اعدادیلر، لسه لر نهایت دارالفنون واریکن برده مدرسه لر اده ایتک نه معناسی واردر؟ جمهوریت عجب بومدرسه لر دن نه قازانه جق؟ ملتی عصر لجه سرسم ایدن بو مؤسسه لک آرتق وجودلری بر ضرردر.»

سبیل الرشادک هر قارنی لاقول ابکی کیشی یی دها آبنه قید ایدر سه مجموعه منرک نثری خصوصنده بک بویوک لطفده بولونمش اولورلر.